



Maysa nga Katesismo tapno maadal ti pammati iti –

***Philippine United Apostolic Church***

(Naitakder ti Pilipinas 1991 – Naireshistro babaen it  
Security and Exchange Commission No. AN095-0364 idi mayka-14 iti  
Agosto tawen 1995, Republika ti Pilipinas

**Naipauneg dagiti Kararag iti Panaggimong ken  
Kararag nga Pangfamilia**

Dagiti panggepan iti maysa nga Apostoliko nga Iglesia ket kuyugen amin a tao iti Grasya ni Apo tayo a Hesukristo, tapno ti tao makikappia kenni Apo Dios ket maidalanda iti pammati a kas maysa nga ubing babaen ti Espiritu Santo tapno maisaganada a kas maysa a babae nga maikallaysa(noby) inton agsubli babaen ti pannakbalin ken gloria nga intay makita a mabiuten.

Daytoy nga Katesismo ket naited iti Tawen ti Grasya 2000 babaen iti  
Panangidaulo ni Apostol Cliff Flor, Queensland tapno maaramat ditoy Pilipinas

**ALL RIGHTS RESERVED**  
**(Umuna nga Edisyon)**

Masapul nga ditay malipatan nga iti usto nga pammati ken usto nga panagug-ugali ket masapul nga agkaduada, ket ti usto nga panagug-ugali ket maimutektekan babaen iti usto nga pammati. Ti Dios ket maayatan laeng kadagiti panag-ugali tayo maypapan ti biag no makita kaniatayo iti panagtalec Kaniana ken Dagiti Saona

**“All Honour to God”**

Apostle Cliff Flor  
Apostolic Church of Qld. – Northern District  
P.O. Box 8077  
Mt. Peasant, Q. 4740

Bishop Delfin Cayabyab  
Philippine United Apostolic Church  
P.O. Box 20, Dagupan City  
Pangasinan, Philippines

Bishop Jimmy B. Soriano  
Philippine United Apostolic Church  
P.O. Box 560, 1400 Caloocan Central Post Office  
Caloocan City Philippines

Elder Dagsi Dalunag  
Philippine United Apostolic Church  
Buclod, Abra  
Philippines

## **TI PAMMATI ITI IGLESIYA NGA APOSTOLIKO**

Daytoy nga pammati ket naibangon babaen iti Sursuro dagiti Apostol ken dagiti Sasao iti Diyos nga naited iti Nasantoan nga Kasuratan.

Iti panagparangarang mi iti pammatimi iti kastoy nga kaaramidan, ket masapul nga matarusan nga sikami ket mamati iti maymaysa laeng a Diyos, iti nabiag ken agpaypayso a Diyos nga iti pagka-Diyos na ket naybukel iti Ama, Iti Anak ken ti Espiritu Santo, ket dagitoy nga talo ket maymaysa a Diyos nga agnanayon. Daytoy isu iti Doktrina ti Pagkatrinidad.

(Deut 6:4; I Cor. 8:4; Mat 3:16-17; 28:19, I Ped 1:2 I Jn 5:7)

1. Mamati tayo iti Diyos Ama a Mannakabalin, nga isu iti nangparsua iti Langit ken iti Daga.  
(Gen 1:1, 31, Exo 20:11, Mat. 28:19 I Pet 1:2, Jn 5:7)
2. Mamati tayo kenni Hesukristo a bugbugtong nga Anak iti Diyos Ama, Iti Apo tayo a Mannubbot, nga nagtaud agsipud iti Espiritu Santo, inyanak ni Birheng Maria, nagrigat diay krus, natay ket naykali. Bummaba idiaiy Hades, ket iti maikatlo nga aldaw nagungar. Nangisuro kadagiti disipulo na iti 40 nga aldaw panggep iti misteryo iti Pagarian ti Dios. Immuli sadi langit a kas Ari a Sangkangatoan nga nagtugaw iti kannawan ti Ama a Mannakabalin amin. Ket agsipud ita agsublinto manen tapno umay na alaen dagiti pinilina a Kaniana ket umay to mangukom kadagiti nabiag ken dagiti natay.  
(Mat 16:16; 3:17; 1:18; 27:35,50,60; Ef 4:9, Mk 16:6 Luc 24:51, Heb 4:14, Mat 24:30, 31; Jn 5:21-22)
3. Mamati tayo iti Espiritu Santo, iti Sangkalubungan a Nasantoan nga Iglesia Apostoliko, iti pannakikadua dagiti tattao ti Dios. Iti pammakawan dagit basbasol ken iti umuna a panagungar nga maipapan iti biag nga agnanayon.  
(Jn 14:26; I Ped 1:12; Ef 4:4-5,13; 2:20-21; 3:15, II Cor 13:14; Aramid 26:18, Mat 26:28, Lucas 14:14, Paktiing 20:6)
4. Mamati tayo ken Hesukristo, nga isu ti ulo iti Iglesia, nga isu iti mangipangulo ken nangted ti serib babaen ti Espiritu Santo nga impatulod na, ken agtultuloy nga mangipatulod kadagiti Apostoles na.  
(Col 1:18; Jn 6:23; 14:26; II Cor 3:6, Mat 28:18-20; Ef 2:20; Joel 2:23)
5. Mamati tayo dagiti Apostoles a kas mangisuro, mangiturong, mangibabaet ken pannakangiawat ni Apo tayo nga Hesukristo  
(Mat 28:18-20; Aramid 26:17-18, II Cor 1:24; I Tim 2:1; II Cor 5:20)
6. Mamati tayo iti Nasantoan nga Kasuratan, ti Daan ken Baro a Tulag, ken ti amin nga ingkarina nga adadiay manipud rugi aginggat nalpas.  
(Isa 34:16; Rom 15:4; I Ped 1:25, II Tim 3:16)
7. Mamati tayo iti Nasantoan nga Bautismo iti Danum, babaen daytoy ket maikadua tayo ken Hesukristo.  
(Mat 28:19; Gal 3:27; Rom 6:3-4; Jn 13:18; Efe 5:26-27; I Ped 3:21-22)
8. Mamati tayo iti Nasantoan nga Bagi ken Dara ni Hesukristo, babaen daytoy nga Sakramento, ti Ama, ken Anak, babaen ti Espiritu Santo isut agbibbiag kaniatayo. (Jn 6:53-58, Gal 2:20)

9. Mamati tayo nga babaen iti Dara ken Bagi ni Hesukristo, iti kararua tayo ket nakawesan ti kinalinteg na, a naysagana tapno agbalin nga nobya na, ken agbalin nga pagyanan ti Espiritu Santo, babaen ken Ama tayo nga adda sadi langit, inaramid na iti naguneg tayo a kas kenni Hesukristo nga Anak na. (Mat 26:28; Apoc 8:10,21:2; I Cor 3:16; I Jn 2:29; Ef 4:13; I Cor 15:21-22; Rom 8:10)
10. Mamati tayo iti "Sealing"(babaen iti panagkararag iti Apostol nga nakaparabaw ti imada kadagiti ulo iti tattao). Babaen daytoy inawat tayo iti aprus iti Nasantoan nga Espiritu. Isut nangri-ing tapno mabiag dagiti sagsagut ti Espiritu nga adda kadatayo. (Jn 6:27, Aramid 10:38; 8:17-18, Ef 1:13, II Cor 1:22)
11. Mamati tayo nga ti Espiritu Santo, isut mangmangted ti amin nga adal aggapu sadi langit, gapu kadagiti sarsarita ken kari ni Apo tayo ng Hesukristo, babaen dagiti Apostoles nga impatulod na iti sangkalubungan maypanggep ti daytoy nga aramid. (Jn 14:26; 15:16,26-27; Mat 10:40, Luc 24:47-48, Apoc 21:14)
12. Mamati tayo nga datayo ket agbibiyag iti kamaudianan nga aldawen(Sangaribo nga tawen ket maysa nga aldaw laeng iti Dios) ken ti aldaw nga panagsubli ni Apo tayo nga Hesukristo ket asidigen, ket innanto alaen ti Nobya na, aggapu kadagiti makaturrog ti patay ken ti sibibiag diay umuna nga panagungar. (Ex 20:11; II Ped 3:8; Mat 24:30-31, I Tes 4:13-18, Apoc 20:4-6)
13. Mamati tayo ti panagkaykaysa iti Langit kenni Kristo, kastamet ti daga, ken ti panawen ti panagdalos nga isunto ti maaramid. (Jud 14:15, Ef 5:26-27, Apoc 19:7-9, Heb 12:26, II Ped 3:10)
14. Mamati tayo iti panagari ti kapia ti uneg iti sangaribo nga tawen ditoy daga, a kas maykapito nga aldaw kenni Apo, kalpasan daytoy isunton ti panagukom. (Dan 2:44, Mat 16:28, 25:34; Apoc 20:6, 11-15)
15. Mamati tayo ti Dios Ama nga isu ti nangiparsua, kastamet ti Anak ti Dios a kas Ari nga Saserdote nga isut mangibabaet kania tayo iti Espiritu Santo. Iti Bagi ken Dara ni Hesukristo a kas maysa nga tagasuro, nga makisasao kadatayo, iti Nasantoan nga Iglesia Apostoliko. (Neh 9:6, Heb 4:14-16, Rom 8:9-14, I Ped 3:18, I Ped 1:15-19)

**DAGITI SANGAPULO NGA BILIN NGA INTED TI DIOS KENNI  
MOISES IDIAY BANTAY SINAI (Exodo Kapitulo 20)**

1. Siak ni Yahweh a Diosyo a nangiruar kadakayo idiy Egipto, iti daga a nakatagabuanyo. Dika agdaydayaw iti sabali a dios no di laeng Siak.
2. Dika agaramid iti agpaay kenka a kinitikitan a ladawan wenno aniaman a kapadpada ti parsua iti langit wenno iti daga, wenno iti danum nga adda ti uneg ti daga. Dika agrukbab wenno agdaydayaw iti uray ania a kinitikitan a ladawan agsipud ta siak ni Yahweh a

Diosmo, ket managimonak. Dusaek dagiti gumura kaniak, agraman dagiti annakda agingga iti maikatlo ken maikapat a kaputotan. Ngem ipakitak ti panagayat ko iti rinibu a kaputotan dagiti agayat kaniak ken mangtungpal dagiti bilin ko.

3. Dimo aramaten ti naganko iti dakes a panggep gapu ta siak ni Yahweh a Diosmo, dusaek ti siasinomam a barengbareng ti panangusarna iti naganko.
4. Ngilinem iti Aldaw a Panaginana ket ibilangmo a nasantoan. Innem nga aldaw ti panagtrabahom, ngem aginana ka iti maikapito nga aldaw a maipaay kaniak. Dika agtrabaho iti dayta nga aldaw sika, wenno dagiti annakmo, wenno dagiti tagabum, wenno dagiti animalmo, wenno dagiti ganggannaet nga agnaed iti pagiliam. Iti las-ud iti innem nga aldaw, siak ni Yahweh, inaramidko ti Langit ken ti Daga, dagiti baybay agraman amin dagiti linaonda, ngem naginanaak iti maikapito nga aldaw. Isu't gapuna a, siak, ni Yahweh, benendisionak iti Aldaw a Panaginana ket intuyangko nga Aldaw nga Nasantoan.
5. Dayawemda amam ken inam tapno napaut ti panagbiagmo iti daga nga itedko kenka.
6. Dika mamapatay
7. Dika makimalala
8. Dika agtakaw
9. Dika agsaksi iti ulbod a maibusor iti padam a tao.
10. Dimo aguman ti balay ti sabali nga tao. Dimo aguman iti asawana, dagiti tagabuna, dagiti bakana, dagiti asnona wenno ti aniaman a sanikuana.

## **ITI BILIN NGA KINUNA NI HESUS NGA INTAY MABASA IDIAY MARCOS CAPITULO 12**

Daytoy iti kangrunaan a bilin, Dinggem Isarael! Ti Apo a Dios tayo isu laeng ti Apo. Ayatem ti Apo a Dios mo iti amin a kararuam, iti amin a panunotmo ken iti amin a pigsam. Ti maikadua a kangrunaan a bilin isu daytoy: Ayatem ti padam a tao a kas iti bagim. Awanen ti bilin a nangnangruna ngem dagitoy.

### **DAGITI RELIHIYOSO NGA ADAL**

1. Kasano nga iti langit ken daga nga makitkita tayo, ken ti amin

nga ayup, billit, lames, ken mulmula ket ummadda?

Sungbat: Dagitoy ket naiparsua babaen ti Dios nga Mannakabalin nga nagsipud ti awan, babaen laeng iti mannakabalin nga saritana ti uneg ti innem nga aldaw idi panawen na, ket naragsakan iti Dios iti nakita na.

(Gen 1, Heb. 11:13, Neh. 9:6, Job 26:7, Salmo 102:25, Aramid 14:15)

2. Ania ti nangrunaan ti dayta nga pannakaparsua?  
Sungbat: Idi pinarsua iti Dios ti tao a kalanglangana. Naggapu ti lalaki pinarsua na ti babai tapno kaduana ken katulonganna.  
(Gen 2:26-27, Col 3:10)
3. Ania ti kayatna a sawen ti pinarsua a kas kalanglangana ti Dios?  
Sungbat: Ti Dios adda tallo nga paset ti pagkaDios na, Isu ti Ama, iti Anak, ken iti Espiritu Santo, Ket ti tao naaramid met nga adda Bagi, Kararaua, ken Espiritu a kalanglangana.  
(Gen 2:7, Mat 10:28, I Tes 5:23, San. 2:26)
4. Apay nga pinarsua ti Dios ti umuna nga lalaki, ni Adan ken ti umuna nga babai, ni Eva?  
Sungbat: Kayat ti Dios nga mapunno ti daga babaen dagiti ummuna nga tao, agnaed nga tattao nga mangted ti panagdayaw iti Dios ken maikkan ti gundaway iti biag nga agnanayon, ken kadua na diay ngato sadilangit.  
(Gen 1:28, I Cor. 10:31, Sal 73:24-26, Jn. 17:22-24)
5. Iti amin kadi nga adadiay pagarian ti Dios nga pinarsuana ket naragsakan iti pagayatan ti Dios?  
Sungbat: Madi, ni Satanas, a kas arkangel ken dagiti bunggoy na ket kayat da nga isuda laeng iti agnaed a kadua iti Dios a naglorian, sadi langit.  
(Gen 3:13-15, Apoc 12:9-10, 20:2)
6. Ania iti naidumduma nga tulag nga inted ti Dios maipapan ti masangwananda?  
Sungbat: Ingkari ti Dios kaniada ti biag nga agnanayon, kaduana iti kondisyon nga naan-anay nga panagtungpal, imperit na kada kuada a mangan iti bunga ti kayo a pannakaammo iti dakes ken naimbag, ta petay ti agbalin a supapakda  
(Gen 2:16-17, Prov 11:19, Ezek 18-4)
7. Ni Adan ken ni Eva kadi ket naganan iti kasasaad a kas met laing idi pinarsuada?  
Sungbat: Madi, ta gamin babaen iti panangallilao ni Satanas kadakuada nagbalin da nga managsukir ket pinadas da nga nakisinnungbatan ti bayat ti daytoy a basolda.  
(Gen 3:1-13)

8. Ania ti imbunga iti daytoy?
- Sungbat: Napilitan ti Dios nga patalawen ida iti Minuyongan iti Eden, impakaammo iti Dios kadakuada iti patay ken nagaramid ti lugar nga pagurayan. (pinanagananna ti Hades) tapno pagurayan ti maudi nga panangukom na.  
(Gen 3:24, Gen 19, Sal 9:17, 16:20, Paltiing 20:12-13)
9. Ania ti imbunga ti daytoy iti masangwanan ti amin nga naiputot agsipud ken Adan ken Eva?
- Sungbat: Gapu ta natawid tayo ti natural nga biag tayo kenni Adan ken Eva, isut gapu na nga natawid tayo met iti dusa iti umuna nga basol.  
(Rom 5:12, I Cor 15:22, Salmo 51:5)
10. Daytoyen kadi ti panungpalan iti plano iti Dios maypanggep ti tao?
- Sungbat: Madi, ti Dios ket haan nga agbalbaliw, ti inkeddeng na nga plano ket ipakaammo iti dalan tapno ti lalaki ken babae ket makikappia manen iti Dios kas anak na nga lalaki ken anak na nga babae ken awatenda dagiti ingkari ni Apo nga insaganana a maypaay iti sangkalubungan.  
(Exo 3:14, Mal 3:6, San 1:17, Gen 3:15)
11. Kasano nga indalan ken sinurwan ti Dios ti sangkalubungan?
- Sungbat: Ti uneg ti 4,000 nga tawen, impakita ti Dios ti pannakabalinna babaen iti dakkel nga layus, nga pinagsisinana dagiti tattao ti Babel, babaen iti pinili ti tao. Ken inted kadakuada ti ingkari na a daga, impakaammo na dagiti bilbilin ken datdaton, maidalanda babaen iti sasao dagiti profeta, ngem ti tao madi na latta kabaelan a salimetmetan dagiti kari ti Apo panggep ti biag nga agnanayon gapu ti basol.  
(Gen 6:-7:8, 11:17-19, Exo 14:29-30, Exo 20, Mat 23:34, Mal 4:4-5)
12. Ania ngarud iti inaramid ti Dios tapno maisubli na iti ingkari na nga biag nga agnanayon maypapan ti amin a tao?
- Sungbat: Impakita ti Dios ti kastaunay nga panagayatna babaen ti panangpatulodna iti bugbugtong nga anakna ditoy rabaw ti daga ni Apo nga Hesukristo a kas maikadua nga tao a pinarsua na tapno maiparmek dagiti kabusor na, iti basol, iti Hades, ken iti patay, tapno mayrugi ti baro nga dalan.  
( I Jn 5:11, Jn 1:1-14, Luk 1:32, 2:1-15, Jn 3:16)
13. Kasano na nga pinarsua daytoy maikadua nga tao?
- Sungbat: Isuna ket naysikog babaen iti Espiritu Santo, Impasngay ti maysa a birhen, gapu ti daytoy madina nga natawid iti umuna

nga basol, ta gamin isuket nayyanak nga umuna ti Espiritu maikadua iti lasag

(Mat 1:23, Luk 1:26-35)

14. Kasanona nga naiparmek ti kabusor, iti Basol?  
Sungbat: Naiparmek ni Hesukristo ti amin nga pannakasuotan ti basol idi sibibiag ditoy rabaw ti daga. Isu nga ti kaawan ti basolina, binaklay na amin nga basbasol ti sangkalubungan a kas naan-anay a sagut.  
(Mat 4:1-11, Jn 1:29, Heb 4:15, 9:26, 1 Jn 1:17)
15. Kasano na nga naiparmek ti kabusor, iti Impierno?  
Sungbat: Kalpasan daytoy pannakaylansana, masapul nga iti kararuana ket mapan diay Hades ta daytoy ti papanan ti amin a tao, ngem gapu ti pannakaparmek ti basol, kenti talek na ti Dios, adda pannakabalinna nga maparmek ti ruwangan ti Hades aginggantopay.  
(Paltiing 1:18, Luk 23:43, Ef 4:8-10, I Ped 3:19)
16. Kasano na nga naiparmek ti kabusor, iti patay?  
Sungbat: Idi maikatlo nga aldaw kalpasan ti ipapatay ni Hesukristo ket bimmangon tapno makita ti kaaduan ken maipakaammo kaniatayo nga ti patay tatta ket maiparmeken.  
(Heb 2:14, Luk 24:5-7, 24:39, Jn 20:29, I Cor 15:4-8)
17. Ania ngarud ti masapul nga aramiden ni Hesukristo?  
Sungbat: Inyumos na iti dalan, nga babaen iti pammati, iti amin nga sangkalubungan ket mabalinen nga maikkan iti gundaway nga makasubli manen idiy Minuyungan iti Eden, nga agbiag iti pagarian iti Dios ken makaawat ti biag nga agnanayon iti kineglorya ti Dios sadi langit.  
(Efe 2:4-5, I Cor 3:11, 15:20-21, I Jn 2:1)
18. Ti kasano ngarud a pamusmusan ditoy daga tapno mabalin tayo nga maawat daytoy?  
Sungbat: Imbangon ni Apo Hesus iti Iglesia tapno agbalin a sangkalubungan ken Apostoliko, nga immuli sadi langit tapno agbalin a pangulo ti amin nga iglesia, impatulod na iti Espiritu Santo nga isut mangidalan iti Iglesia, nga isut agbalin nga profeta tayo, ken kas Ari a Sangkangatuan nga agnanayon diay kannawan ti Dios a kas nagsilpuan ti baet ti tao ken Dios inggana idi imbaonda tapno alaenna dagiti kanyana ken agbalin nga Ari dagiti Ari.  
(Jn 20:21, 15:16, Aramid 1:3, 1:9, 2:1-4, Efe 5:23 I Tim 2:25, Heb 6:20)
19. Ania ti masapul nga aramiden, wenna panggepan iti Iglesia?  
Sungbat: Ti panggepan ti Apostoliko nga Iglesia ket tapno



awisen amin a tao iti gracia ni Apo tayo a Hesukristo, tapno agsubli ti tao a sikakapia iti Dios ken tapno maidalan ida iti pammati a kasla adda iti maysa nga ubing, babaen iti Espiritu Santo tapno maysagana a kas maysa a babae a maykasar, inton agsubli isuna nga addaan pannakabalin ken glorya nga intay makita a mabiiten.

(Efe 2:4-5, 2 Cor 5:20, Jn 16:13-14, Mat 24:31)

20. Mapukaw kadi ti pagtaengan tayo iti Iglesia, ken amin nga ingkari ni Apo, inton matay tayo?

Sungbat: Madi, idi naiparmeken ni Apo nga Hesus iti basol, Hades, ken ti patay, nangisagana metten iti lugar nga pagurayan dagiti kararua nga insaganada iti bagida iti graciana iti daytoy nga biag. Ngem iti Iglesia ket agnaed a maymaysa, kadua dagiti miembro iti tallo nga lugar.

(Jn 14:1-4, Rom 14:3:9, 1:17, Ezek 41:16, 42:3-6)

21. Ania daytoy nga tallo nga lugar nga imbag a iti Sarita ti Dios?

Sungbat: Iti nabiaq nga iglesia ditoy lubong, iti sirok iti balitok nga altar maypanggep kadagiti nasantoan, ken Paraiso maypanggep kadagiti kararua nga simmungbat ti ayab ni Apo nga Hesukristo.

((I Ped 2:5, Paltiing 6:9-11, Luk 23:43, Rom 3:24-26, 2 Cor 12:9, 12:4, Mat 16:24, Paltiing 2:7)

22. Adda kadi bilin ti Dios nga iti Iglesia ket masapul nga agaramid?

Sungbat: Wen, ti Dios ket Dios ti urnos ken manipudpay idi rugi ti panawen impakita na nga iti iglesiyana ket masapul nga agkuti wenna agaramid iti imbilbilinna kadagiti profeta, ebanghelista, ken dagiti paspastor ken dagiti agisursuro, a kas kinuna a kamkameng iti Dios, naibangon ti rabaw ti fondasion nga impasdek dagiti apostoles kenni Cristo a mismo ti kangrunaan a pasuli.

23. Nagballigi kadi iti Iglesia Apostoliko kalpasan nga imbangon ni Apo a Hesukristo?

Sungbat: Wen, diay libro ti Aramid naisurat no kasano a immaduda ken ti parabur nga naawat ti iglesia iti bayat ti panangidalan ken panangiturong ti espiritu Santo babaen ti sasaad ken panagserbi dagiti apostoles.

(Aramid 1:26, 2:41, 2:47, 3:14, 10:47, 23:11)

24. Apay nga ti Iglesia Apostoliko kadua ti nabiaq nga Apostoles ket madi nga nagtultuloy?

Sungbat: Inta Ngamin dagidiay adda iti kasasaad a papadi kinayatda nga ingngato dagiti bagida ken haanda nga dinawat kenni Apo ti panagtultuloy kuma ti panagserbi dagiti Apostoles,

- no ketdi, sinukatanda ti saad ti Apostoles ti panagserbi a kas ti tao, nga inikkatda ti urnos nga imbangon ti Dios.  
(2 Tes 2:3-4, Joel 1:1-7, 2 Cor 11:12-15)
25. Ania ngarud iti imbunga ti inaramidda?  
Sungbat: Napukaw ti panangidalan ti Espiritu Santo ti uneg ti Iglesia, ken adu nga sagsagut ken parabur iti napukaw, ket ti iglesia inturungen ti kinalaeng ken sursuro a nasipnget ti tao.  
(Prov 1:7, Isa 47:10-11, Joel 1:12-14, I Jn 5:9)
26. Nakaayatya ngarud ti Dios ti daytoy?  
Sungbat: Madi, Ni Hesukristo isu ti Alfa ken ti Omega, ti pangrugian kenti panungpalan, kas mayannurot dagiti karina ket imbangonna manen ti Iglesia Apostoliko babaen dagiti sibibiag nga apostoles tapno maiwaras ditoy lubong dagiti parabur ken ti grasiyana no matungpalen dagiti ingkari na.  
(Joel 2:23, Mat 28:20, San 5:7)
27. Ania ti pagrebbengan ti Apostol iti maysa a iglesia?  
Sungbat: Dagiti Apostol ket impatulod ni Apo tayo a Jesukristo, pinagtalkanna tapno isut mangted ti sursuruna, ken bilibiliinna ken pinili na nga agserbi babaen ti Dios nga nangikeddeng dagiti opisyales, mangted dagiti sagsagut, basbas ken mangibalikas iti pammakawan ti basol ken mangiwaras ti grasyana.  
(Jn 17:18-20 Mat 28:18-20 II Cor 5:18-21, Aramid 6:6-7, 8:17)
28. Kasano a maiwaras ti graysa ni Kristo ti iglesiyana?  
Sungbat: babaen ti Sao ti Dios a naikasaba, ti pammakawan ti basol kadagiti nasantoan nga sakramento.  
(Mat 26:13, 26:26-29 Jn 20:21-23, 3:5-8)
29. Mano kadi a sakramento ti adda it iglesia Apostoliko  
Sungbat: Tallo – bautismo babaen ti danum, nasantoan nga kumunyon, ken basbas.  
(Mat 28:19, 26:26-29 Jn 6:53-54 Ef 1:13, 4:30)
30. Mano ti saksi a kas mayannurot iti Biblia nga adda sadi langit?  
Sungbat: Tallo – Ti Ama, ti Sarita(Anak) ken ti Espiritu Santo, ket dagitoy nga tallo ket maymaysa.  
(I Jn 5:7 Mat 3:16-17, 28:19, I Ped 1:2)
31. Mano ngarud met ti saksi nga adda iti iglesia ditoy lubong?  
Sungbat: Tallo – danum, dara ken Espiritu, ket dagitoy nga tallo ket agkaykaysa ti tunggal maysa.  
(I Jn 5:8, 5:6, Aramid 10:47 Paltiing 1:59, 7:14, 22:17)
32. Ania ti magun-od tayo babaen ti bautismo ti danum  
Sungbat: Naisina tayon ditoy lubong babaen iti pannakaysubbot a gapu ti orihinal nga nataud tayo nga basol, ket naisuraten diay libro ti biag.

33. Ania ti magun-od tayo babaen ti pannakibingay tayo iti Nasantoan a Kumonion?  
 Sungbat: Nagun-od tayo ti pannakapakawan dagiti basbasol nga sinukatanna iti kinalinteg ni Jesucristo.  
 (I Jn 1:7 II Cor 5:21 Mat 26:28 Paltiing 19:8 II Ped 1:1 I Ped 2:24)
34. Ania iti magun-od tayo babaen ti Nasantoan nga Basbas?  
 Sungbat: Ti panangikosagrar ti Espiritu Santo  
 (Mat 3:16-17 I Cor 12:13 Ron 6:3-4 Jn 14:17 Ef 4:30)
35. Apay nga inted ti Dios kaniatayo ti panagikonsagrar ti Espiritu babaen ti Nasantoan a Basbas?  
 Sungbat: daytoy nga Espiritu ti uneg tayo isu mangisagana kadatayo tapno agbalin a kalanglangatayo ni Kristo ken tapno maisagana tayo iti kaudian nga panakapayanak tapno agbalin tayo a kas kenni Apo intun agsubli ditoy daga  
 (Rom 8:14-16 I Cor 6:19-20 II Cor 3:18 I Tes 4:15-17)
36. Apay ngarud nga masapul nga mamati tayo nga ni Apo Jesus ket agsubli a mabiiten?  
 Sungbat: Ngamin dagiti paglasinan ket adda ditoyen kas impadto ni Apo Jesus ken dagiti profeta. Ken kinuna ti Nasantoan a Kasuratan nga ti sangaribu nga tawen ket kasla maysa nga aldaw laeng.  
 (Mat 24 Armid 1:11 Heb 9:28 Paltiing 3:11 II Ped 3:8)
37. Ania ti mapasamak ditoy lubong inton agsubli ni Cristo?  
 Sungbat: Kas mayannurot diay Biblia, ti Apostoliko nga iglesia ket agrigat ti kastaunay nga panakaydanes, ti pannakabalin ket bumangonto isut agari ditoy lubong kas mayannurot iti dalan ni Satanas, ket isu agari nga addaan ti kastaunay a pannakabalin kadagiti tattao nga mangipilit kadakuada a madi nga agdaydayaw iti Dios ken Cristo.  
 (Paltiing 13:6-8, 13-14, 16-17 Mat 24:21-22)
38. Ania ti masapul tayo nga aramiden ita nga panawen?  
 Sungbat: Datayo ket masapul nga agsagrap iti amin nga panangidadanes ken ti amin a panakasusuotan, ket madi tay mabelin nga kumadua ti lubong ngem tumakder tayo nga sinitibker kadagiti pammati tayo ken ni Hesukristo ken ti panagtalek kenni Apo.  
 (Mat 24:13 Mat 10:22 sant 1:12 Isa 26:4 I Ped 1:7-9)
39. Ti panagtalek nga kastoy ket adda ngata ti gungguna tayo?  
 Sungbat: Wen, Inta ngamin papigsaen natayo ni Apo ket inton agsubli, amin nga agnanayon nga agpaypayso kania na ket madinto agsagrap ti patay  
 (Isa 26:8 Luk 20:36 Isa 25:8 I Cor 15:24 II Tim 1:10)

40. Ania ti plano ti Apo ti inna panagsubli  
 Sungbat: Naypatulod isu aggapu diay langit a kas nobyo nga lalaki. Alaen na a kaduana amin nga kararua agsipud diay Nabalitukan a Dambana ken Paraiso, ket dagiti daga nga bagi ket innanto pabbiagen ulit, kumpletuwennanto ti pannakayanak kadakuada, sabalianna dagiti natulnog nga agbibig ken alaenna dagiti Iglesia nga nakasagana nga agbalin nga nobya nga babai nga mapan sadi langit tapno isango iti sangwanan ti Ama maypapan ti Kasar ti Apo.  
 (I Tes 4:13-17 II Tim 4:18 Paltiing 21:2 II Cor 11:2)
41. Ti kabayatan ti gracia agsipud sadi langit, ania ti maaramid iti daga?  
 Sungbat: Iti daga ken iti amin nga nilaon na ket madalusan babaen ti apoy ken ti amin nga banag ket agbalin nga baro.  
 (II Ped 3:6-7 Dan 2:44 Isa 11:1-19 II Pet 3:13)
42. Sitayo ngata ket agnanayon nga kadua ni Hesus diay Langit?  
 Sungbat: Madi. Isu ket agsublinto ditoy daga kadua na amin nga santo nga nakikadua iti panagballigi, isiglot na ni satanas ket inna itakder ti Pagarianna, iti Milenio – Panagari ti kapia iti 1000 nga tawen.
43. Ania met iti maaramid into no mabiiten iti lippas iti daytoy nga pagarian?  
 Sungbat: Ni Satanas makawayanto iti uneg iti bassit nga tawen tapno innanto sulisugen iti amin nga nayanak iti tawen ti daytoy nga pagarian.  
 ( Paltiing 20:7-8)
44. Ania met iti nakatuding kenni Satanas?  
 Sungbat: Ti Dios ket mangpatulodto ito Angeles tapno abaken ni Satanas ken iti adipen na, ket isudanto to ket maykabil idia impierno ket aguray ti panaghukom.
45. Ania met ti sumarumo kalpasan ti Panagari ti Kapia iti uneg ti 1000 nga tawen  
 Sungbat: Iti maykadua nga panagungar ket intono amin agsipud idi rugi ti lubong ket mapan ken sumango kenni Apo Dios
46. Ania met ti maudi nga pangipapanan kadagiti agnanayon nga sipupudno iti iglesia?  
 Sungbat: Biag nga agnanayon sadi langit nga adda ti Gloria ti Dios tapno maypakita nga isu ket madi nga agbalaliw.
47. Ania ti salaknib nga masapul iti nobya ni Kristo  
 Sungbat:
- 1.) Iti Barikes ti kinapudno
  - 2.) Iti Kabal ti kinalinteg

- 3.) Iti Sapatos iti naimbag nga damag ti talna
- 4.) Iti Kalasag ti pammati
- 5.) Iti Helmet ti pannakaisalakan
- 6.) Iti kampilan ti Espiritu (Iti Sao ti Dios)
- 7.) Ken ti panagkararag bayat ti panangaramidyo kadagitoy, nga iti panagkararagyo dawatenyo dagitoy a tulungannakayo ti Dios

### **DAGITI KARARAG**

Datayo ket masapul nga agkararag ken Apo. Ni Kristo bayat ti panagtaod na ti daga ket nangted ti pagtuladan nga iti agsapa wenno bigat, iti aldaw ken ti rabii nga mangipapaay latta iti panagyaman ken uray pay iti oras ti buribor.

#### **I Tesalonica Capitulo 5 Versiculo 17 - 18**

“ Diyo koma liwayan ti agkararag. Agyamankayo iti Dios, dakes man wenno nasayaat ti kasasaad. Daytoy ti kayat ti Dios. a panagbiagyo a kas tattao ni Cristo Hesus.”

#### **Mateo Capitulo 26 Versiculo 41**

“ Agridam ken agkararagkayo tapno saankay a matnag ti sulisog. Sisasagana ti espiritu, ngem nakapuy ti lasag.”

### **Ti Kararag nga Insuro ti Apo**

Amami sadi langit  
 Madaydayaw koma ti nasantoan a naganmo  
 Umay koma ti Pagarian;  
 Matungpal koma ti pagayatam ditoy daga a kas sadi langit  
 Itedmo kadakami ti taronmi ita nga aldaw;  
 Pakawanennakami kadagiti basbasolmi  
 A kas ti pammakawanmi kadagiti nagbasol kadakami;  
 Dinakam iturong iti nakaro a pakasuotan;  
 Ilisinakami ketdi ti Managdakdakes  
 Ta Kaniam ti pagarian, Ti pannakabalin  
 Ken gloria nga agnanayon nga awan ti inggana.  
 Sapayla Koma/Amen

*Damag:* Ania ti kayat na nga sawen iti sarita nga "Sapayla Koma" o "Amen"?

*Sungbat:* Ti kayatna nga sawen ti "Sapayla Koma" o Amen ket.. "Wen Apo daytoy koma ti maaramid."

### **KARARAG ITI UBING**

Dagiti ubbing ket masapul nga masuruan nga agkararag manipud ti panagubing ket dagitoy ti pagtuludan iti pang-ubing nga kararag.

### **KARARAG TI UBING ITI PINNANGAN**

Pagdaydayawandaka o Apo nga gapu dagiti grasya nga agsipud iti panagayat mo ket inaramid mo dagitoy kadakami iti inaldaw-aldaw. O Apo ikkannakami iti grasya ken kaasi ayinggana iti panaggibus. babaen iti Apo ken Mannubotmi nga ni Hesukristo.

### **KARARAG TI UBING TI AGSAPA/BIGAT**

Managayat nga Ama, siak ket nakariing  
Agsipud iti naulimek ken naimas nga pannaturog  
Ti pagayatam kuma isu ti aramatek  
Ti ragsak koma ket madi nga agrissat ita nga aldaw  
Minupod iti naakikid nga dalan  
Bay-am dagiti angeles mo iti sibay ko  
Babaen iti Apo ken Mannubotmi nga ni Hesukristo.

Amen.

### **KARARAG ITI UBING ITI RABII**

Managayat nga Ama, innak ited kenka  
Panagdayaw ken panagyaman iti amin a banag  
Salun-at, ken panagal-wad, iti taraon ken ti lawag  
Daytoy nga agmalem ken ita rabii  
Ken iti pinagiddak tapno maturog  
Bay-am nga dagiti Angeles mo nga agbantay kaniak  
Babaen iti Apo ken Mannubotmi nga ni Hesukristo.

Amen

## **KARARAG TI UBING KALPASAN TI KUMUNYON**

Apo, pagyamanandaka ita nga aldaw  
Iti inka panangisuro iti dalan ko  
Bay-am nga iti grasyam ket adda latta kaniak  
Tapno agsipud ti basol ket makawaya-ak  
Bay-am nga dagiti angeles mo ket asideg latta kaniak  
Tapno haanak nga agbuteng  
Babaen iti Apo ken Mannubotmi nga ni Hesukristo.

Amen

## **KARARAG TI UBING SAKBAY NGA UMUNEG TI IGLESIA**

Espiritu Santo, nasam-it ken naanus  
Suruannak iti usto iti kapanpanunatak  
Kaduaannak ita nga aldaw  
Daytoy ti innak ikarkarag kenka  
Bendisionam dagiti Apostol iti ayat mo  
Punuan ida iti kinaserib nga agapu sadi langit  
Babaen iti Apo ken Mannubotmi nga ni Hesukristo.

Amen


## **KARARAG TI UBING KADAGITI MAKADIOS NGA NAGANNAK KANIANA**


Amami sadi langit, pagyamanandaka ita nga aldaw iti naayatmo nga panangalwad ken ti agtultuloy nga kararag dagiti makaDios nga nagannakko. Sipupudnoak nga kumarkarag, O Apo Dios, babaen ti grasyam, suruannak ket panguloam ti espirituk nga ti madi agbalbaliw nga pammati ti nagannak kaniak ket agbalay koma kaniak. Tulungannak Apo nga iti nangato nga panagserbi ken dagiti ugalinga inkintalda iti panunotko ko adda koma latta kaniak


Tulunganak o Ama ti Ayat, nga aglawag ti nasipnget nga aldaw ti biagda, nga babaen ti biag ken pammatik, ket agbalin nga nabiaq nga sungbat kadagiti kararagda, ket intono agladingitak maypapan kadagiti nagannak kaniak, bay-am nga dagiti laglagipda ket agyan kaniak, a kas agraniag nga bituin nga mangiturong iti panagnak iti Usto ken dakes nga aldaw ti biag agengga malpas. O Apo sungbatam kuma dagitoy nga kararag ko babaen iti madi maisao nga aramid iti ayatmo kenni Kristo Hesus.

Amen

## TI KAYAT NA A SAWEN TI SIMBULO NGA 4R

- Daytoy a simbulo ket nangrugi diay  a maiyarig ti krus ni Kristo nga isut nangrugian ti pammati tayo.

- Ti sumaruno a simbulo ket ti nagbukbukel  nga naglaw-law ti krus, nga ti kayat na a sawen ti pammati tayo ket agtaytayek laeng ken Jesu-Cristo nga awan patinggana, isu ti puon ken ungo ti pammati tayo.

- Iti 4R met nga naimbuklan iti uged  ti kayat na a sawen ket.

Kinalinteg ti panunot  
Kinalinteg ti panagsasau  
Kinalinteg ti aramid  
Kinalinteg ti dalan ti panagbiag

Maawatan tayo nga daytoy a 4R ket:

Kinaimbag- Kina-ari- Kinalinteg- Kinabaknang

1. Masapul nga aramiden ti amin a kabaellantayo nga agbiag ti NAIMBAG a biag a kas mayannurot ti Nasantoan a Kasuratan.
2. Masapul nga aramiden ti amin a kabaellantayo tapnu agbalintayo a kas puli ti ARI kas maysa a nobya a maikadua ken Cristo ti Ari ti amin nga Ari.
3. Maibilang tayo a kas NALINTEG no maysatayo nga umawat ti Bagi ken Dara ni Cristo.
4. Agnanayon a NABAKNANG tayo iti kari a inted ni Cristo kadagiti sasau ti Apostoles.

## TI KAYAT NA A SAWEN TI KUMPIRMA

Innalatayon ti responsibilidad panggep ti ingkari dagiti nagannak kadatayo, nga intedda ti sangoanan ti Apo, idi ubbengtayo idi panawen nga indatayo binunyagan.



**CONFIRMATION HYMN  
95 AT THE FRONT**

At the front my vows were spoken,  
By my parents in the Lord  
That those vows shall be unbroken,  
At the Altar I record  
O, my saviour, Thou hath lead me,  
Since I first became Thine own  
Thou hath taught me in Thy sending  
I should live for Thee alone.

Lord, meet me with Thy salvation  
In Thy Church's ordered way.  
Let me feel Thy Confirmation,  
In thy love and truth to-day  
Follow wholly thy directing,  
Through thy word this very day,  
I will trust in Thy protecting,  
And will follow Thee, Thy way

Resting Saviour, in Thy merit  
Strengthened through Thy Spirit's word  
At the call I may inherit,  
All Thy promised joy O Lord;  
Now and evermore, remaining,  
In the only true belief.  
Might and firmness and strength gaining,  
Hope and danger, joy in grief.

**166. O BROTHER LIFE'S JOURNEY BEGINNING**  
Melody: Sankey 699

O brother, life journey beginning  
With courage and firmness arise!  
Look well the course Thou art choosing;  
Be earnest be watchful and wise  
Remember-two paths are before Thee,  
And both thy attention invite  
But one leadeth on to distruction  
The other joy and delight

Chorus:

God help you to follow His banner  
And serve Him wherever you go  
And when you are tempted, my brother  
God gave you the grace to say "No!"

O sister, yield not to the tempter  
No matters what other may do;  
Stand firm in the strength of the master,  
Be loyal, be faithful, and true!  
Each trial will make you the stronger,  
If you, in the name of the Lord,  
Fight manfully under your leader,  
Obeying the voice of His word.

Chorus:

O brother, the Saviour is calling!  
Beware of the danger of sin;  
Resist not the voice of the Spirit,  
That whispers so gently within  
God calls you to enter His service-  
To live for Him here, day by day;  
And share by and by in the glory,  
That never shall vanish away.

Chorus:

### **DAGITI DALAN TI PANAGKARARAG MAYPAPAN DAGITI MEIMBRO**

Tunggal agsapa, masapul nga ti familia ket agkaykaysa nga agkakarag ken Apo Dios ken agbasa ti maysa a teksto nga aggapu ti Nasantoan a Kasuratan.

Ti kararag ket masapul nga maidaton kas maidalan kadagitoy.

### **KARARAG TI AGSAPA**

Ti nagan ti Ama, Anak ken ti Espiritu Santo. Amen:

Apo Dios umasideg kami kenka a sipapakumbaba, awitmi dagiti amin a panagyamanmi Kenka, nga insalakannakami kadagitoy amin a peggad idi rabii, ket Sika ti nangted ti amin a parabur kadakami,

bendisionam kuma iti panagruarmi ti daytoy a bigat, tapno ti kasta inton dumanon ti rabii Sika manen ti dayawenmi, ken maragsakan kami ti amin nga aramidmo babaen ti ayatmo ti uneg ti daytoy nga aldaw, bay-am kuma Apo nga bantayan dakami dagiti angeles mo, ken salakniban dakami ti amin a susuot, riribuk, saksakit, ladingit, sangangit, aksidente ken ti patay a dipay a panawen. Nasantoan ken naimbag kuma ti amin a maaramidmi ken ti kapampanunutanmi, nagasat ken mailisi ti pagbasolan, tapnu ti kalpasan ti daytoy nga aldaw addakami latta ti bendisionmo ken aginana ti nasantoan a namnama nga ti imbag ken grasiyam ket adda kuma kadakami. Bantayam kuma dagiti Apostolesmo, ken punnoem ida ti lawag ken sirib babaen ti Espiritu Santo. Alwadam kuma ti iglesiam ken dagiti adipem, ken agnanayon kuma nga iti imam ti mangturong ti aramid a maypapan ti mismision. No umadu ket maididkar Kenka.

#### (KABLAAW TI AGSAPA)

Dawdawatenmi nga ti espiritum ket mapan kuma iti amin a umawag Kenka tatta nga aldaw. Alwadam kuma dagiti amin a mangipangpangulo ti maysa a nasion ken ti gobiemona ken itedmo ti nasayaat ken nadayaw a talna ti intiru a nasion. Dawdawatenmi daytoy babaen ni Apo nga Hesus. Amen.

Ti grasiya ni Apo tayo nga ni Hesucristo  
Ken ti dakkel nga ayat ni Apo Dios  
Ken ti panakikadua iti Espiritu Santo  
Ket adda kuma nga agnanayon kadayoy. Amen.

Masapul nga isaruno iti kararag nga insuro ni Apo, Daytoy a kararag ket mabalin a mausar no kasapulan.

Ti bendision ket masapul nga ibalikas sakbay ti tunggal pannangan, ket daytoy ti pagtuladan.

#### **MAYSA A KARARAG ITI LAMESAAN SAKBAY A MANGAN**

Ama nga adda sadilangit, agyaman kami kenka ti daytoy a sagutmo nga innakam pinaraburan, ikarkaragmi, bendisionam kuma ti panagbibingaymi ti dagitoy a kanen ti bagimi, babaen kenni Apo a Hesucristo. Amen.

Dagiti ub-ubbing ket masapul met nga agkararag kas maisuro. No adda ti lugar a kaaduan ti tao, madi maibalikas ti atiddog unay a kararag ken napigsa, mabalinmet a naulimek ken akikid.

"Apo bendisionam daytoy a makan. Amen"

No adda panawen ti aldaw wenko ti rabii, nga agtitipon ti familia, masapul nga agsasanguda ken agbasa ti teksto nga aggapu dagiti Saimo wenko Proverbio. Ti kararag a pangrabii isut masapul nga aramiden ti familia sakbay nga aginana ti rabii, dagitoy iti pagtuladan:

### **PANGRABII A KARARAG**

Adtoy kami manen Apo a sipapakumbaba toy pusomi ken agbababawi nga espiritu, adtoy kami kenka iti kalpasan ti daytoy nga aldaw, itedmi ti panagyaman, panagdayaw ken Gloria kenka, gapu ti adda nga ayatmo kadakami, inalwadan nakami dagiti susuot, buribur, saksakit, ladingit, sangsangit ken peggad ti uneg ti nagmalem. Dumanon manen ti rabii ket dimi ammo ti masangoananmi, ngem Apo dawatenmi a sipapakumbaba dagiti angelesmo nga agbantay ti aglawlaw kastamet kadagiti amin nga annakmo. Pangaasim kuma ta ikkannakami ti nauneg nga inana tapnu ti pagriingmi ti bigat addaan kami manen ti baro a salun-at tapnu matungpalmi ti adu nga obligasyonmi, alwadam kuma Apo ti iglesiam ken dagiti adipem, kawesam dagiti apostolmo iti serib ken pannakaawat babaen ti Espiritu Santo, ken ikkam kuma ida ti salun-at ken pigsa tapnu matungpal damet amin a saad ti ayabmo kadakuada. Alwadam kumamet dagiti amin a agtutubo iti iglesia, gapu dagiti sulisog, ken bay-am nga sika kuma iti mangiturong dagiti aramid ti panagmision tapnu amin nga panagdakkel na ket mapan kenka ti dayaw. Alwadam met kuma amin nga mangipangulo ti tunggal nasion ken dagiti gobiernoda, ket sapay la kuma ta agari ti nadayaw nga talna ti tunggal nasion, no aniaman ti nagbasolanmi ti daytoy nga aldaw, dawatenmi nga sapayla koma nga dagitoy nga basbasol ket makaluban babaen ti Gracia nga inabak maypapan kadakami ni Apo a manangisalakan a ni Hesucristo..

Amen

### **DADDUMA PAY NGA KARARAG**

No mapan makigimong, ti kararag masapul a kanayon nga aggapu ti puso tayo, dagitoy sumagannad ket pagtuladan laeng...

## **KARARAG TI MAYSA NGA MIEMBRO SAKBAY UMUNEG TI IGLESIA A MAPAN MAKIGIMONG**

Apo Dios, agyamanak kenka nga pinalubusannak nga umatindar ti daytoy a Nasantoan a gimong, ket dawdawatek nga ti Espiritu santo isu ti agari toy kapampunanutak tapno maawatak ti panangipalawag ti ebanghelyo, ket maisurat ti uneg ko. Managayat nga Ama dawdawatek kenka nga papigsaem dagiti Apostol ken dagiti adipem, ken idalan mo ida babaen iti Espiritu Santo nga mangipararangang iti ebanghelyo maypapan ti pagimbagan ti kararuac... Amen

## **KARARAG KALPASAN TI PANAKIBINGAY ITI NASANTOAN A KOMUNYON**

Managayat nga Ama, sipapakumbabaak a dumawdawat kenka nga ited mo kuma ti kinalinteg gapu ti Nasantoan a Bagi ken Dara ni Hesucristo a naisagana kaniak babaen ti Espiritu Santo nga impatulod ni Apo. Dawdawatek nga daytoy kuma nga parabur ket maiyakar met kadagiti agsaksakit ken agrigrigat ken dagiti madi makaumay ken ti amin nga entalek mo kaniak.. Amen

## **MAYSA NGA KARARAG TI PANAGBABAWI, DUMAWAT TI PAMAKAWAN**

O manangaasi ken nalinteg a Dios, nga mangiturturong kanyami tapnu agpakumbaba babaen ti Espiritu Santo ken mangisursuro kanyami tapno agbalin a naanus ken naannad iti dalan mo, pakawanennakami ti basbasolmi ken supapak ti dakes nga ugali mi, maayatan ka kuma O Apo ken panunutem iti asim idi immuna ken ti kinasayaatmo, pakawannennakami ti amin a basbasolmi, isalakannakami kadagiti kabusor mi, ken ti rigrigatmi, nuketdi ited mo kuma iti graciarni. Salakniban na kami ti naan-anay ken nalinteg a panakitulag tapnu agnaed kami a naadayo ti buribor ken haan da kami nga maan-ano dagiti kabusormi. Itedmo kuma datoy a dinawatmi babaen ni Apo, Hesus nga isu ti Dios... Amen

## **KARARAG MAYPAPAN TI RAGSAK TI PANAGASAWA**

O Apo mi a Dios, bendicionan nakami ken sapay la koma ta kanayon a naragsak ti biagmi nga agasawa. Kinanayon kuma a denggem ti kararagmi, dawdawtenmi, itdem kuma kadakami ti puso a managbabawi

ken napakumbaba nga Espiritu, ikkan na kami ti marka ti Nasantoan a naganmo, tapno maaramidmi ti nasayaat, iti nasantoan a ugali ti maisagana nga itedmi, ti uray ti tingnga ti buribor a masabatmi, babaen ti ayatmo, graciam ken kinaimbagmo, salaknibannakami iti panakatnag ti biag mi a kas agasawa, tapnu ti paset ti biagmi, mapadasanmi ken maramanan mi ti kinaimbagmo, O Apo, ti sam-it ti kaasim nga isu ti angkla ti kararuami nga agnanayon. Ikkann na kami ti nasaet nga Espiritu tapnu maawat mi ti naydumduma nga pannakabalinmo ken ti Gloria ti pagariam. Ikkannakami ti naan-anay a tured tapnu agpakumbaba ti tunggal maysa kadakami tapnu agpinnakawankami sakbay a rumabii. Bay-am kuma nga iti Espiritu Santo isu ti kangrunaan a agnaed ti balaymi, tapno ragsak ken kapnek ti agari sadiay. Iturong na kami iti biag nga makaparagsak ti sangum babaen ti Espiritu Santo... Amen.

### **MAYSA A KARARAG A MAKAPABANG-AR**

Apo sika to pastorko, adda aminen a masapulko  
Iti nalangto a karuotan, paginanaennak;  
Iti sibay dagiti dandanum a natalinaay, idalannak  
Ipaaymo kaniak ti baro a pigsa  
Tarabayennak iti tumutop a dalan, kas inkarim  
Uray pay no ginget ni patay ti paglasatak  
Saanakto nga agbuteng ta addaka kaniak!  
Ti sarukod ken bastonmo salaknibandak.  
Mangisaganaka iti padaya nga agpaay kaniak  
Iti imatang dagiti kabusorko.  
Pinaaruyotam daytoy ulok ti lana,  
Ket agliplipias ti kopak  
Awan duadua a kumuyogto kaniak  
Ti kinaimbag ken ti kinamanagayatmo  
Bayat ti panagbiagko, ket agtaengakto  
Nga agnanayon iti balaymo.

### **BENDICION TI APOSTOL**

Ti grasya ni Apo tayo nga ni Hesucristo  
Ken ti dakkal nga ayat ti Dios Ama  
Ken ti panakikadua iti Espiritu Santo  
Ket adda kuma nga agnanayon kadatayo. Amen.